

1 dönsk kaupskipalest er álitin jafngilda:

1866.

0,61 svenskum nýjum lestum (hver lest 10,000 svensk skálapund) á öllum svenskum seglskipum og gufuskipum til vöruflutninga, sem hafa mælingarskýrteini dagsett seinna en 1. janúarmán. 1863.

18. maí.

0,18 svenskum nýjum lestum á svenskum gufuskipum, er flytja farþega og hafa mælingarskýrteini dagsett seinna en 1. janúarmán. 1863.

1,30 prússneskum skipa-lestum (lestin 40 Centner allgemeinen Landesgewichtes eða 4000 metrisk pund) á öllum prússneskum skipum, er hafa mælingarskýrteini dagsett seinna en 25. febrúarmán. 1862.

0,87 hannóverskum kaupskipalestum (lestin 6000 metrisk pund) á öllum skipum frá Hannóver, sem hafa mælingarskýrteini dagsett seinna en 1. febrúarmán. 1863.

1,95 ameríkönskum tons á öllum skipum frá Norðurameríku, er hafa mælingarskýrteini (certificates of registry) dagsett seinna en 1. janúarmán. 1865, og þar sem er tilfært, að mælingunni hafi verið hagað eptir skipamælingaskjali Norðurameríku frá 6. maímán. 1864.

1,00 slésvíkskri og holsteinskri kaupskipalest.

49. Bréf dómsmálastjórnarinnar til stiptamtannsins yfir Íslandi, um að lögleiða á Íslandi hin nýju dönsku lög um sakamál.

19. maí.

Um leið og yður, herra stiptamtmaður, með bræfi þessu eru send nokkur exemplör af „Almindelig borgerlig Straffelov“, sem út hefir komið handa konungsríkinu 10. febrúarmán. þ. á., og af frumvarpinu til laga þessara með ústæðum, er lagt var fyrir ríkisþingið á fundum þess 1864—65, og 1 exemplar af Tíðindum frá ríkisþinginu á fundum þess þau tvö ár, þá er lagafrumvarpið var rædt, eruð þér beðinn sem forseti í hinum konunglega íslenzka landsyfirrætti, að ganga í nefnd með háyfirdómaranum

1866.
19. maí.

og meðdómendunum í yfirréttnum, til þess að íhuga og senda síðan hingað Álitsskjal yðar um, með hverjum breytingum gæti orðið umtalsmál að lög þessi yrðu leidd í lög á Íslandi, og eruð þér sérílagi beðnir að ræða það atriði, hvort ekki mætti setja aðra hegningu, er betur ætti við, í staðinn fyrir vandarhagga refsingu þá, sem beita á samkvæmt tilskipun 24. janúar-mán. 1838, þangað til öðruvísi verður ákveðið.

23. maí.

50. Bréf kirkju- og kennslustjórnarinnar til stiptamt-mannsins yfir Íslandi, um þóknun til Jóns mála-flutningsmanns Guðmundssonar fyrir störf hans í nefnd-inni til að ræða um fyrirkomulag latínuskolans í Reykjavík.

Frá konungsfulltrúa á síðasta alþingi hefir stjórnarráðinu borizt bænarskrá til þingsins, er fylgir í eptirriti með bréfi þessu, og alþingi hefir vísað til úrskurðar stjórnarinnar; er bænarskráin frá mönnum þeim, er sátu í nefndinni, sem sett var eptir fyrir-mælum kirkju- og kennslustjórnarinnar í bréfi 22. maímán. 1862, til þess að ræða um umbætt fyrirkomulag á hinum lærða skóla í Reykjavík, og beiðast þeir liðsinnis alþingis til þess, að þeim verði veitt hæfileg þóknun fyrir störf sín í nefndinni. Þá er konungsfulltrúi sendi hingað bænarskrá þessa, gat hann þess, að sér fyndist ekki vera nægar ástæður til að veita þeim af nefndarmönnum, sem eru konunglegir embættismenn, en það eru þeir allir nema Jón Guðmundsson, settur málaflutningsmaður við landsyfirréttinn, neina þóknun fyrir starfa þann, sem þeim þannig var falinn á hendur í góðu trausti og í virðingar skyni; en þar á móti virðist sér sanngjarnt, að Jóni málaflutningsmanni Guðmundssyni sé veitt hæfileg þóknun fyrir tímatöf þá og vinnu, sem hann hefir haft sem nefndarmaður.

Kirkju- og kennslustjórnin fellst á álit það, sem konungsfulltrúi hefir látið í ljósi um þetta efni, og skal yður til vitundar gefið yður til leiðbeiningar og til þess að þér kunngjörið það,